

元始无量度人上品妙經卷之十三

太乙元精品

道言昔於元黃天中紫空金碧大方明土受元始度人太乙元精无量上品元始天尊當說是經周回十過以召十方始當詣座天真大神上聖高尊妙行真人黃老元帝太乙元精妙空真君中央九壘三十六皇君仙王地真大神土中真皇靈仙土下官曹司馬无鞅數眾升空而來碧霞黃雲綠輿瓊輪丹華垂蔭元精玉光叢萃瑞色洞煥太空五日五夜太乙神真徧覆諸天日月官府星斗宮闕龍馭无馳玉機停撻纏厯凝輝洞如全色冷飈靜夷天谷深湛綠煙低微明輝照徹碧天流綱紫煙飛靄

道藏輯要

度人妙經

三

角集三
X 18

三元浩回四炁眇清一國地土山川林木緬安平砥無復高下土皆金瑤厚柔含輝彩縹霞觀無有異色眾真侍座元始天尊玄座空浮五色神龍之上說經一徧諸天大聖同時稱善是時一國男女目覩心思天諸地辰景山海瓊臺寶閣仙聖鬼神自何出生而具此相說經二徧思念日月交流河海並注憑何運搖依空獨立說經三徧一切天人回光洞視炁入玄元道合虛皇說經四徧一切天人俯仰三界雲動風施薦臻嘉瑞說經五徧證悟化本太乙元精无形真土感化而生說經六徧靈心頓開懸知天地陰陽順度萬物遂成說經七徧玄炁泛灑玉芝自生龍虎悲吟感悟法相說經八徧身鍊爲空空化爲真如是

神通實爲希有說經九徧大會咸悅瞻見元始得悟道機元精爲妙說經十徧天樂流韻萬籟齊聲玉相垂慈潔如空素是時一國是男是女莫不傾心皆受護度咸得長生

道言是時元始天尊說經一徧東方无極无量品太乙元精至眞大神無鞅之眾浮空而至說經二徧南方无極无量品太乙元精至眞大神無鞅之眾浮空而至說經三徧西方无極无量品太乙元精至眞大神無鞅之眾浮空而至說經四徧北方无極无量品太乙元精至眞大神無鞅之眾浮空而至說經五徧東北无極无量品太乙元精至眞大神無鞅之眾浮空而至說經六徧東南无極无量品太乙元精至眞大神無鞅之眾浮空而至說經七徧西南无極无量品太乙元精至眞大神無鞅之眾浮空而至說經八徧西北无極无量品太乙元精至眞大神無鞅之眾浮空而至說經九徧上方无極无量品太乙元精至眞大神无鞅之眾浮空而至說經十徧下方无極无量品太乙元精至眞大神无鞅之眾浮空而至十徧周竟十方无極太乙元精天真大神一時同至一國男女傾心歸仰咸聞元始天尊宣演太乙元精之法生出天地三界仙聖鬼神必依眞土胞胎養育然後而成眞土者非有形頑滯之土茲乃五行鍊化先天地生道之全體無形眞土識此眞土自然得道必當禮覲元始求此妙法來者有如細雨密霧無鞅之眾迨國一半

土皆偏陷非可禁止於是元始懸一寶珠大如黍米在空玄之中去地五丈元始登引天真大神上聖高尊妙行真人黃老元帝太乙元精妙空真君土中土下一切真靈无量聖眾十方无極太乙元精至真大神無鞅數眾俱入寶珠之中天人仰看惟見拂拂從珠口中入既入珠口不知所在國人廓散地還平正無復欹陷元始卽於寶珠之內說經都竟眾真監度以授於我當此之時喜慶難言法事粗悉諸天復位倏歟之間寂無遺響是時天人值遇經法普得濟度全其本年無有中傷傾土歸仰咸行信心信道信經信師信法信位信證信常信生信化信本言無華曲口無邪聲齊同慈愛異骨成親國安民豐欣樂太平

道藏輯要

度人妙經

卷

角集三
X 6 文

經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是真王內諱百靈之隱名也太乙元精者無形真土也真土無形卽是太空太空爲土其中生出三界一切天地真仙龍神人鬼兆若知之以有合無以性合空以神合道卽爲高真非世之常辭上聖已成真人通玄究微能悉其章誦之十過諸天遙唱萬神設禮太乙臨景河海靜默元精布化山嶽藏雲真土孕明內生日月無形示象璇璣不行羣魔束形鬼精滅爽迴屍起死白骨成人至學之士誦之十過則五帝侍衛三界稽首魔精喪眼鬼祓滅爽濟度垂死絕而得生太乙施德元精散靈收炁於

空招神於無續命繼生土爲命先所以爾者學士穢氣未消體未洞真以制十方威未制天政德可伏御地祇束縛魔靈但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人無量爲萬道之宗巍巍大範德難可勝

道言凡誦是經十過諸天齊到太乙元精土真變生道胎分神泉曲開明億會萬祖幽魂苦爽皆卽受度上昇朱宮格皆九年受化更生得爲貴人而好學至經功滿德就皆得神仙飛昇金闕遊宴玉京也上學之士修誦是經太乙孕靈土主五福元精入身皆得受度飛昇南宮世人受誦則延壽長年土爲金母水

道藏輯要

度人妙經

罕

角集三

爲土孫土爲元炁金爲真鉛水旣遇金鉛與汞親識者不死遇者知真然後皆得作尸解之道魂神暫滅不經地獄卽得返形遊行太空含咀土精普度無窮一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及七祖長役三塗侍經五帝玉童玉女各二十四人營衛神文保護受經者身

道言正月長齋誦詠是經太乙元精萬變生形爲上世亡魂斷地逮役度上南宮七月長齋誦詠是經太乙元精土爲生根身得神仙諸天書名黃籙白簡削死上生十月長齋誦詠是經太乙元精土號帝尊中臨四方乘黃豐文爲國王帝主君臣父子

安鎮國祚保天長存世世不絕常爲人君安鎮其方民樂太平
八節之日誦詠是經太乙元精八風朝元太乙在庭五福來佑
八難不經得爲九宮真人本命之日誦詠是經太乙元精保命
長生无形上祖元始前生生命之本隱於太玄開目無見惟覩
空玄空玄爲寶悟之昇仙魂神澄正萬烝長存不經苦惱身有
光明三界侍衛五帝司迎萬神朝禮名書上天功滿德就飛昇
上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外翳冥有青龍白虎朱雀玄武獅子白鶴羅
道藏輯要

度人妙經

聖

角集三

川上川

列左右日月照明洞煥室內太乙元精之氣爛爛赤景居兆
頂上頂生圓象光暎十方如此分明密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前
引烝三十二過東向誦經

元始无量度人上品妙經

元始洞玄靈寶本章太乙元精上品妙首黃庭度人百魔隱韻
離合自然太乙元精无无上眞元始祖土名爲太空空爲太乙
祖土元精胞養三界化生諸天開明三景是爲天根上無復祖
惟道爲身無處無空無所非土空土土空爲道之母無形爲空
有形爲土空能生化是爲眞空土元無形是爲眞土土爲生命
識空者仙空可獨化土有至文太乙元精眞土之名五文開廓
普殖神靈无文不光无文不明无文不立无文不成无文不度
无文不生是爲大梵天中之天鬱羅蕭臺玉山上京上極无上
大羅玉清眇眇劫仞若亡若存三華離便大有妙庭金闕玉房
道藏輯要

度人妙經

聖

角集三
XXX

森羅淨靈神霄梵炁周回十方中有太乙元精之神中有南極
長生帝君中有東極青華帝君中有度世司馬大神中有好生
韓君丈人中有南上司命司錄延壽益算度厄尊神迴骸起死
无量度人今日校錄諸天臨軒

東方无極飛天太乙元精神王長生大聖无量度人
南方无極飛天太乙元精神王長生大聖无量度人
西方无極飛天太乙元精神王長生大聖无量度人
北方无極飛天太乙元精神王長生大聖无量度人
東北无極飛天太乙元精神王長生大聖无量度人
東南无極飛天太乙元精神王長生大聖无量度人

西南无極飛天太乙元精神王長生大聖无量度人
西北无極飛天太乙元精神王長生大聖无量度人
上方无極飛天太乙元精神王長生大聖无量度人
下方无極飛天太乙元精神王長生大聖无量度人

十方至真飛天太乙元精神王長生度世无量大神並乘祥雲
絳輿青輦華蓋文輪驂駕黃鳳五色金龍建太乙之節元精靈
旛前嘯貔虎齊唱後吹鸞鶴同鳴獅子辟邪嘯歌嚕嚕五老啟
途羣仙翼轅億乘萬騎浮空而來傾光回駕監真度生皇極承
相南昌上宮韓司主錄監生大神執錄把籍齊到帝前體化探
玄考驗靈關玄化之門八極之根吸引太空土炁氤氲空中有
道藏輯要
度人妙經
聖
角集三
眞祖命之神接和嚙液腦有土精下流黃庭上通泥丸玄化呼
吸空炁无端天光入淵七世命仙隨所應度嚴校諸天普告三
界无極神鄉泉曲之府北都羅酆三官九署十二河源上解祖
考億劫種親疾除罪簿落滅惡根不得拘留逼合鬼羣元始符
命時刻昇遷北都寒池部衛形魂制魔保舉度品南宮死魂受
鍊仙化成人生身受度劫劫長存隨劫輪轉與天齊年永度三
塗五苦八難超凌三界逍遙上清上清之天天帝洞真无色之
境梵行

東方八天

昭體通生天

帝傳輝子譚

義明理陽天

帝虞戶逸承

神英化靈天

帝無竟訶孫

真慧無方天

帝抱淵力南

光持蒼景天

帝匠洄庶嘉

履昌收期天

帝載疆幽低

洞虛耀靈天

帝直夷加婁

純化道威天

帝尾頂內鮮

南方八天

龍梵信光天

帝還求耳光

大元逝炎天

帝哲育辨徊

道輯藏要

度人妙經

圖

彙集三

丹輿平雲天

帝黨遙復交

耀華九光天

帝卓爛鍊琚

文爲空海天

帝乙靈播成

朱明散景天

帝治槩爽塗

佐孚執符天

帝密嶽敬良

耀赤浮修天

帝阿隸宥公

西方八天

儲神衍邛天

帝崇幾種聞

金真浩懷天

帝陸時碧仙

真妙簡升天

帝亮剛質佗

太空無忌天

帝虎凡禱韓

太白定真天

帝泰物田

果才極輔天

帝落儒祈倪

孚里齊明天

帝突盧偃祉

亶功慶恭天

帝秉康俞垂

北方八天

淨鍊按地天

帝略茹經

玄蓋斷淨天

帝覺玄奔

承華洞虛天

帝度仙變明

道龍契明天

帝報順思

道藏輯要

度人妙經

聖

角集三

泉宮計真天

帝遊玄定蒙

斗嚴校錄天

帝拘神統牢

驅魔拔功天

帝邈載靜高

湛截珠孕天

帝象希祕雲

三十二天三十二帝諸天隱諱諸天隱名天中空洞自然靈章
諸天隱韻太乙之音太乙之尊太乙之神太乙元精太乙之靈
虛一爲九一爲土基極數爲十十爲土成土非形土變化上清
无量之奧深不可詳敷落神真普度天人今日欣慶受度還元
知祖見道歸真仰空引和土胎金神立兆生命爲兆真身厯關
諸天請滅三惡斬絕死根飛度五門名列太玄真王監舉無拘

天關東斗青龍西斗金虎北斗靈龜南斗鸛首中斗大魁四像
依土土爲陰胞脫胎乃生青帝付魂白帝育魄赤帝生神黑帝
傳靈黃帝主意注性飛神青土神王驅魔遣屍赤土神王勾吒
血啗白土神王磨堅遁儀黑土神王照精馘駭黃土神王屈多
繁徒五方眞土太乙元精普周太空與空同形變化之母萬神
之宗飛行鼓從總領鬼兵麾幢鼓節出入太空自號赫奕諸天
齊功出生兩儀化成九宮三界分立眞土納容太乙元精使兆
得道升眞達靈上天度人嚴攝北酆神王受命普掃不祥長牙
吐毒方顱四張錦額前驅嚴斗仗旛擲火萬里流鈴八衝敢有
干試拒遏上眞金鉞前戮巨獸後刑屠割鬼爽風火無停千千

道藏輯要

度人妙經

哭

角集三
又又又

截首萬萬翦形魔無千犯鬼無祆精三官北酆明檢鬼營不得
容隱金馬驛呈普告無窮萬神咸聽三界五帝列言上清空洞
元精太乙未名土行六虛變化萬生玉京金城神倉九清一土
所生諸天備成非土不生非土無陽祖土爲空下出龍康眇眇
億劫混沌之中上空生色下空生淵空極生風風蕩水傾風澤
洞虛金剛乘天天上天下無幽無冥無形無影無極無窮溟滓
眞土疆名太乙內號元精元精之陽遼廓無光赤明開圖運度
自然元始道先安鎮土元空梵成文敷落五篇赤書玉字八威
龍文保制劫運使天長存梵炁彌羅萬範開張元綱流演三十
二天輪轉無色周回十方旋斗厯箕回度五常三十五分總炁

上元八景冥合炁入玄玄玄中太皇上帝高真汎景太霞嘯詠
洞章金真朗郁流響雲營玉音攝炁靈風聚煙紫虛鬱秀輔翼
萬仙是皆真土太乙元精變炁化成無土不成與道爲盟土雖
無形內有生真土爲牝牡播精留神千和萬合自然成眞眞中
有神長生大君青華公子玉妃真神太乙元精司命大神桃康
合延體玉揚津執符把籙保命生根上遊上清出入華房八冥
之內細微之中下鎮人身泥丸絳宮中理五炁混合百神十轉
迴靈萬炁齊仙仙道貴生无量度人上開八門飛天法輪罪福
禁戒宿命因緣普受開度死魂生身身得受生上聞諸天諸天
之上各有生門中有空洞謠歌之章真王靈篇辭參高眞

道藏輯要

度人妙經

畢

角集三
川百上

第一太乙元精太空之音

三界未造	天地無名	十方皆空
空亦遇稱	不識道祖	以空述形
空爲無有	徧處混成	一切眾生
但知土名	爲空所隔	不見道眞
不知空者	空非本稱	認空棄道
著空滯聲	不知其空	所空無形
無形者何	是真土精	不知眞土
妄認爲空	空性頑慢	何緣物生
故知三界	萬天九清	玉京大山

鬱羅高臺	不能自有	因土乃生
土名真空	出生萬化	離空求真
皆是幻假	勿取此空	自障其目
拂空翳除	真土露形	蕩蕩道體
無所不成	兆之玄牝	日飲土精
故能長生	遨遊赤城	真土之炁
立可仙身		

第二太乙元精真王之章

高上神霄	去地百萬	周回八方
真遊降盼	神霄之境	碧空爲徒

道藏輯要

度人妙經

哭

角集三
川石X

不知碧空	是土所居	此非世間
陰濁之土	獨能植生	歲除月更
春至則復	遇夏乃繁	況此真土
無爲無形	不有不無	萬化之門
積雲成霄	剛炁所持	履之如綿
萬鈞可支	玉臺千劫	宏樓八披
梵炁所乘	雖高不巍	內有真土
神力固維	太乙元精	世不能知
我今爲此章	清音自合離	

第三太乙元精真王歌曰

朝登太元阿

夕宴天河源

人間已再劫

闐風春正鮮

星羽整巍冠

轡龍御神風

霄程不計里

紫雲但瞳矐

玉女曼鳴庚

清音自寥寥

喚此浩劫迷

爽愷登雲濤

香煙起綠窻

赤錦迴紫霄

翠色悚長樓

電旗隨雲飄

彩虹展瓊梁

萬仙舞靈謠

世界量三千

眞土所倫陶

不知道德母

委聖奔蕭翹

哀此塵中流

歌此撫雲璈

此三界之上飛空之中眞上歌音音參洞章誦之百徧名度南

宮誦之千徧眞王保迎萬徧道徧飛昇太空過度三界位登仙

道藏輯要

度人妙經

咒

角集三

公有聞靈音眞王敬形勅制地祇侍衛送迎拔出地戶五苦八

難七祖昇遷永離鬼官魂度朱陵受鍊更生是謂无量普度无

窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈眞王隱祕之音判指眞土

道之所歸太乙元精長養光輝兆能體之不有凶衰性金空土

子順母和定而守之息息不離太元之山巨樓雙谿納眞吐氣

兆命所依滅空見土萬氣可補神氣相融死戶自封皆是大梵

之言非世上常辭言無韻麗曲無華宛故謂玄奧難可尋詳上

天所寶祕於玄都神霄玉清王府運行壬辰大君下降奉教以

傳若有至人齎金寶質心依舊格告盟十天然後而付焉

道言夫天地運度否終日月五星虧盈至聖神人休否末學之
夫疾傷凡有此災同氣皆當齊心修齋六時行香十徧轉經福
德立降消諸不祥无量之文普度無窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法則太乙護宅元
精灌形眞王長生生炁來并魂神經上南宮隨其學功計日而
得更生輪轉不惑便得神仙

道言夫天地運終星宿錯度日月失明四時失序陰陽不調國
土有災兵刑鬼盜疫毒流行兆民死傷師友命過法學禍殃亦
當修齋行香誦經夫齋戒誦經功德甚重上消天災保鎮帝王
道藏輯要

度人妙經

辛

角集三

下禳毒害以度兆民生死受賴其福難勝故曰无量普度天人
道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人尅得爲
聖君金闕之臣諸天記人功過毫分無失天中眞王亦保舉爾
身得道者乃當洞明至言也

諸天中大梵隱語无量音 道君撰

元始靈書太乙元精中篇

東方八天

華生豐角

徧阿靈昧

至冥辨谷

烈令均馳

獻迪陽循

離連國隣

召證荷頂

席度招卿

桓卓野迂

盧丁素稱

馬闌召靜

越度井庚

苗苓球部

騫靈處登

溢揚秉弛

辜訾徼澄

南方八天

嶽俞莊乾

弊炎鍾利

廓璘曠時

偃阮輪技

迸并驛司

牛靈輦符

治止物肅

丹巒古州

燕漏鼎洞

隔彭輳流

柄否激敦

力奚玄焚

潛求猛需

液釜紀昆

眞昂嵯幾

道藏輯要

度人妙經

至

角集三

燿梵就溫

西方八天

覩莽浩都

意梵寂類

悅廣侈特

亶想冥閑

祝闌文克

鬬關洪依

蹈悅奔權

秀眞雲微

罷霍杏候

迎東胃旗

鍊祖頓思

遠曠被圭

鎮摹孽注

協黨建宏

敷落賚系

淵覺祕涓

北方八天

臭漠澤官

斗君司韓

庭厯潘眞

金房壁完

隸畜渾鳥

巴龍幽湍

釋地頓魂

萬卑左盤

軸樊滋巡

西岨瑟觀

灞霞注智

畧汧洞關

攝簡命神

帝皇符溟

作契爛海

澗章暄盈

道言此諸天中大梵隱語无量之音舊文太始眞王以玄狩之
毫總括書之太空之中時隱時顯以招太乙元精之氣元始祖
土出生萬靈爲混沌有物之母太玄有命之先兆能知之與空
隱淪兆身本空寓精成身自有損實實去還虛虛乃空號身入
太无入空如煙散化萬天出空成仙應感隨緣念之卽現忘之

道藏輯要

度人妙經

卷

角集三

返玄不知所以自然而然字皆廣長一丈天真皇人昔書其文
以爲正音有知其音能齋而誦之者諸天皆遣飛天神王下觀
其身書其功勤上奏諸天萬神朝禮地祇侍門大勳魔王保舉
上眞道備尅得遊行三界昇入金門此音無所不辟無所不禳
無所不度無所不成天真自然之音也故誦之致眞王下觀上
帝遙唱萬神朝禮三界侍軒羣祇束首鬼精自亡琳瑯振響十
方肅清河海靜默山嶽吞煙萬靈振伏招集羣仙天無氛穢地
無祲塵冥慧洞清大量玄玄也